

152. 肠痈

若华之母

尝记癸丑十一月，腰腹俱肿，有时发热自汗，有时不甚发热，痛不可忍。按之稍定。于冬至前二日，用：

大黃五錢 丹皮一兩 桃仁五十粒

冬瓜子八十粒 芒硝三钱

服后,腹中大痛,午后下血半净桶,而腹平痛止,不啻平人矣。

辛未四月，强鸿培嗣子福全病此，既就宝隆医院矣。西医指为盲肠炎，并言三日后大开刀，福全不解，私问看护，以破腹告。福全懼，弃其衣物而遁。翌日，抵予小西门寓所，以腹中剧痛求诊。按其脉，紧而数，发热有汗，俟不恶寒。予即疏方与之。明日复诊，盖下经三次而腹痛止矣。

又壬申年，治大自鸣钟慎大衣庄裘姓少年亦如之。

癸酉年治陆姓少女腹右旁痛，痛经四月，身体瘦弱，西医不敢开刀。由同乡高长佑推荐，予以此方减轻授之。当夕下泥黑粪，痛未止，稍稍加重，遂大下黑粪，如河泥，其痛乃定。调理一月，方能出险。盖亦危矣。

乙亥八月，四明史惠甫病此，已由姜佐景用前方下过，未能拔除病根。予用：

生大黄五钱 冬瓜仁一两 桃仁八十粒

丹皮一两 芒硝三钱

外加当归、赤小豆。

二诊 加赤芍五钱,败酱草五钱。所下黑粪,并如污泥状,病乃出险,并附记之。

【按】《金匱》曰：“腸痈之为病，其身甲错，腹皮急，如肿状，按之濡。”“时时发热，自汗出，复恶寒，其脉迟紧者，脓未成，可下之，大黄牡丹汤主之。”“脉洪数者，脓已成，不可下也。大黄牡丹汤方：大黄四两，牡丹一两，桃仁五十个，冬瓜仁半升，芒硝三合。”